

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-17195-1/14.
Zenica, 15.09.2014. godine

Z A P I S N I K

sa 181. sjednice Vlade Zeničko-dobojskog kantona održane 09.09.2014. godine

Sjednica je održana u sali 109, prvi sprat u zgradi Kantona, dana 09.09.2014. godine u trajanju od 11⁴⁹ do 13⁰² sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Sabina Heljić, ministrica Ministarstva finansija,
4. Rifat Delić, ministar Ministarstva unutrašnjih poslova,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Senka Balorda, ministrica Ministarstva zdravstva,
8. Nedžad Lokmić, ministar Ministarstva za boračka pitanja.

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo, sjednici se pridružio u 11⁴⁹ sati.
3. Ivica Mandura, savjetnik Premijera,
4. Džemaludin Ramić, savjetnik Premijera,
5. Alma Hrnjić, zapisničar.

Opravdano odsutan:

1. Edin Terzić, ministar Ministarstva za prostorno uređenje, promet i komunikacije i zaštitu okoline,

U svojstvu izvjestioca sjednici je prisustvovala:

1. Mirsada Silajdžić, direktorica Kantonalne uprave za inspeksijske poslove.

Premijer je stavio na diskusiju predloženi

D N E V N I R E D :

1. Verifikacija Zapisnika sa 178. sjednice Vlade Zeničko-dobojskog kantona, održane dana 21.08.2014. godine;
2. Verifikacija Zapisnika sa 32. vanredne telefonske sjednice Vlade Zeničko-dobojskog kantona, održane dana 28.08.2014. godine;

3. Verifikacija Zapisnika sa 33. vanredne telefonske sjednice Vlade Zeničko-dobojskog kantona, održane dana 02.09.2014. godine;
4. Prijedlog Dokumenta okvirnog budžeta Zeničko-dobojskog kantona za period 2015.-2017. godine, sa Prijedlogom Zaključka o donošenju;
5. Prijedlog Smjernica ekonomske i fiskalne politike Zeničko-dobojskog kantona za 2015. godinu, sa Prijedlogom Zaključka o usvajanju;
6. Prijedlog Odluke o izmjeni i dopunama Odluke o određivanju potpisnika naloga platnih transakcija sa depozitnog i transakcijskog računa otvorenog kod IKB DD Zenica za period od 01.01.2014. godine do 31.12.2014. godine;
7. Prijedlog Odluke o izmjeni i dopunama Odluke o određivanju potpisnika naloga platnih transakcija sa „posebnog ESCROW transakcijskog računa“ za period od 01.01.2014. godine do 31.12.2014. godine;
8. Prijedlog Odluke o izmjeni i dopunama Odluke o određivanju potpisnika naloga platnih transakcija putem deviznog računa otvorenog kod IKB DD Zenica za period od 01.01.2014. godine do 31.12.2014. godine;
9. Prijedlog Odluke o izmjeni i dopunama Odluke o određivanju potpisnika naloga platnih transakcija sa podračuna za Centralizovani obračun i isplatu plaća za period od 01.01.2014. godine do 31.12.2014. godine;
10. Prijedlog Odluke o izmjeni i dopunama Odluke o određivanju potpisnika naloga platnih transakcija sa posebnog transakcijskog računa-sredstva ostvarena po osnovu posebne naknade za zaštitu od prirodnih i drugih nesreća za period od 01.01.2014. godine do 31.12.2014. godine;
11. Prijedlog Odluke o izmjeni i dopunama Odluke o određivanju potpisnika naloga platnih transakcija sa transakcijskog računa otvorenog kod Union banke d.d. Sarajevo za period od 01.01.2014. godine do 31.12.2014. godine;
12. Prijedlog Odluke o dopuni Odluke o određivanju potpisnika naloga platnih transakcija sa računa blagajničko poslovanje budžetskih korisnika otvorenog kod IKB DD Zenica za period od 01.01.2014. godine do 31.12.2014. godine;
13. Prijedlog Odluke o izmjeni i dopunama Odluke o određivanju potpisnika naloga platnih transakcija sa transakcijskog računa otvorenog kod Sparkasse dd Sarajevo za period od 01.01.2014. godine do 31.12.2014. godine;
14. Izvještaj o utrošenim sredstvima po programima Ureda premijera sa pozicije “Tekući transferi i drugi tekući rashodi”- za period 01.01.-30.06.2014. godine, sa Prijedlogom Zaključka o usvajanju;
15. Prijedlog Zaključka o odobravanju finansijskih sredstava Udruženju građana “KA mreža” iz Kaknja na ime interventne finansijske pomoći za pokriće dospjelih obaveza;
16. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-14-14597/14 od 17.07.2014. godine;
17. Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, sa Prijedlogom Zaključka o utvrđivanju;
18. Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za prvo polugodište 2014. godine, sa Prijedlogom Zaključka o prihvatanju;
19. Program utroška budžetskih sredstava za realizaciju projekata iz oblasti cestovne infrastrukture za 2014. godinu, sa Prijedlogom Zaključka o usvajanju;
20. Prijedlog Zaključka o izmjenama i dopunama Programa utroška sredstava Proračuna Zeničko-dobojskog kantona za 2014. godinu, planiranih na razdjelu Ministarstva za boračka pitanja; sa Prijedlogom Zaključka o usvajanju;
21. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „Hamdija Kreševljaković“ Kakanj;

22. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „Rešad Kadić“ Tešanj;
23. Prijedlog Zaključka o odobravanju finansijskih sredstva za poduzimanje hitnih mjera zaštite od poplava naselja Meoraća i Križevići na području općine Olovo;
24. Prijedlog Zaključka o odobravanju finansijskih sredstva za izvođenje radova i sanaciju izvorišta “Mahmutovića Rijeka” i izvorišta “Mala Rijeka”, općina Breza;
25. Prijedlog Zaključka o odobravanju finansijskih sredstva u svrhu otklanjanja materijala iz korita rijeke Papratnice u Mjesnoj zajednici “Papratnica”, općina Žepče;
26. Prijedlog Zaključka o odobravanju finansijskih sredstva za sanaciju vodotoka-korita rijeke Bistričak, općina Zenica;
27. Prijedlog Odluke o korištenju službenih fiksnih telefona u organima i službama Zeničko-dobojskog kantona;
28. Izvještaj o radu Kantonalne uprave za inspekcijske poslove za period januar-juni 2014. godine, sa Prijedlogom Zaključka o primanju na znanje;
29. Upoznavanje članova Vlade se aktom;
 - Informacija Ministarstva za obrazovanje, nauku, kulturu i sport broj: 10-34-14031-1-3/14 od 29.08.2014. godine;

Predložene su slijedeće dopunske tačke:

1. Prijedlog Odluke kojim se odobrava preraspodjela sredstava planiranih u Budžetu Zeničko-dobojskog kantona za 2014. godinu za budžetske korisnike Ministarstvo za obrazovanje, nauku, kulturu i sport i Univerzitet u Zenici.
2. Prijedlog Odluke o odobravanju finansijskih sredstva Poslovnom sistemu RMK Zenica u svrhu finansiranja učešća i promocije privrednih subjekata iz Zeničko-dobojskog kantona na 21. Generalnom BH sajmu ZEPS 2014.
3. Prijedlog Zaključka kojim se odobravaju sredstva za sufinansiranje izrade projektne dokumentacije za sanaciju i uređenje korita rijeke Željeznice, rijeke Papratnice, pritoka rijeke Bosne i uređenje potoka Džamijaš u Golubinji, općina Žepče iz sredstava “Otklanjanje posljedica od poplava”, Izmjena Programa utroška sredstava vodnih naknada za 2014. godinu-tačka „A”.
4. Prijedlog Zaključka kojim se odobravaju sredstva Savezu dobitnika najvećih ratnih priznanja ZE-DO kantona za sufinansiranje posebnih aktivnosti udruženja-projekat posjete R Turskoj planiran tokom septembra 2014.god. u svrhu prisustva donatorskim konferencijama u Istambulu i Ankari.

Članovi Vlade su se usaglasili sa predloženom dopunom dnevnog reda i prijedlozima kojim se povlače tačke 6-13, 19, 20, i 24, te je za sjednicu jednoglasno usvojen slijedeći

DNEVNI RED :

1. Verifikacija Zapisnika sa 178. sjednice Vlade Zeničko-dobojskog kantona, održane dana 21.08.2014. godine;
2. Verifikacija Zapisnika sa 32. vanredne telefonske sjednice Vlade Zeničko-dobojskog kantona, održane dana 28.08.2014. godine;
3. Verifikacija Zapisnika sa 33. vanredne telefonske sjednice Vlade Zeničko-dobojskog kantona, održane dana 02.09.2014. godine;
4. Prijedlog Dokumenta okvirnog budžeta Zeničko-dobojskog kantona za period 2015.-2017. godine, sa Prijedlogom Zaključka o donošenju;
5. Prijedlog Smjernica ekonomske i fiskalne politike Zeničko-dobojskog kantona za 2015. godinu, sa Prijedlogom Zaključka o usvajanju;

6. Izvještaj o utrošenim sredstvima po programima Ureda premijera sa pozicije "Tekući transferi i drugi tekući rashodi"- za period 01.01.-30.06.2014. godine, sa Prijedlogom Zaključka o usvajanju;
7. Prijedlog Zaključka o odobravanju finansijskih sredstava Udruženju građana "KA mreža" iz Kaknja na ime interventne finansijske pomoći za pokriće dospjelih obaveza;
8. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-14-14597/14 od 17.07.2014. godine;
9. Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, sa Prijedlogom Zaključka o utvrđivanju;
10. Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za prvo polugodište 2014. godine, sa Prijedlogom Zaključka o prihvatanju;
11. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „Hamdija Kreševljaković“ Kakanj;
12. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „Rešad Kadić“ Tešanj;
13. Prijedlog Zaključka o odobravanju finansijskih sredstava za poduzimanje hitnih mjera zaštite od poplava naselja Meoraća i Križevići na području općine Olovo;
14. Prijedlog Zaključka o odobravanju finansijskih sredstava u svrhu otklanjanja materijala iz korita rijeke Papratnice u Mjesnoj zajednici "Papratnica", općina Žepče;
15. Prijedlog Zaključka o odobravanju finansijskih sredstava za sanaciju vodotoka-korita rijeke Bistričak, općina Zenica;
16. Prijedlog Odluke o korištenju službenih fiksnih telefona u organima i službama Zeničko-dobojskog kantona;
17. Izvještaj o radu Kantonalne uprave za inspekcijske poslove za period januar-juni 2014. godine, sa Prijedlogom Zaključka o primanju na znanje;
18. Prijedlog Odluke kojim se odobrava preraspodjela sredstava planiranih u Budžetu Zeničko-dobojskog kantona za 2014. godinu za budžetske korisnike Ministarstvo za obrazovanje, nauku, kulturu i sport i Univerzitet u Zenici.
19. Prijedlog Odluke o odobravanju finansijskih sredstava Poslovnom sistemu RMK Zenica u svrhu finansiranja učešća i promocije privrednih subjekata iz Zeničko-dobojskog kantona na 21. Generalnom BH sajmu ZEPS 2014.
20. Prijedlog Zaključka kojim se odobravanju sredstva za sufinansiranje izrade projektne dokumentacije za sanaciju i uređenje korita rijeke Željeznice, rijeke Papratnice, pritoka rijeke Bosne i uređenje potoka Džamijaš u Golubinji, općina Žepče iz sredstava "Otklanjanje posljedica od poplava", Izmjena Programa utroška sredstava vodnih naknada za 2014. godinu-tačka „A“.
21. Prijedlog Zaključka kojim se odobravanju sredstva Savezu dobitnika najvećih ratnih priznanja ZE-DO kantona za sufinansiranje posebnih aktivnosti udruženja-projekat posjete R Turskoj planiran tokom septembra 2014.god. u svrhu prisustva donatorskim konferencijama u Istambulu i Ankari.
22. Upoznavanje članova Vlade se aktom;
 - Informacija Ministarstva za obrazovanje, nauku, kulturu i sport broj: 10-34-14031-1-3/14 od 29.08.2014. godine;

Prva tačka dnevnog reda

Vlada je jednoglasno usvojila Zapisnik sa 178. sjednice Vlade Zeničko-dobojskog kantona, održane dana 21.08.2014. godine;

Druga tačka dnevnog reda

Vlada je jednoglasno usvojila Zapisnik sa 32. vanredne telefonske sjednice Vlade Zeničko-dobojskog kantona, održane dana 28.08.2014. godine;

Treća tačka dnevnog reda

Vlada je jednoglasno usvojila Zapisnik sa 33. vanredne telefonske sjednice Vlade Zeničko-dobojskog kantona, održane dana 02.09.2014. godine;

Četvrta tačka dnevnog reda

Obrazloženje za ovu tačku dnevnog reda dala je Sabina Heljić, ministrica Ministarstva finansija.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se usvaja Dokument okvirnog budžeta Zeničko-dobojskog kantona za period 2015. -2017. godine i čini sastavni dio ovog zaključka. Zaključak stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dala je Sabina Heljić, ministrica Ministarstva finansija.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se donose Smjernice ekonomske i fiskalne politike Zeničko-dobojskog kantona za 2015. godinu i čine sastavni dio ovog zaključka. Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dali su Berjana Ačkar, sekretar Vlade i Munib Husejnagić, Premijer Zeničko-dobojskog kantona.

U diskusiji je učestvovao ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se usvaja Izvještaj o utrošenim sredstvima, po programima, sa razdjela 11, budžetska organizacija 01, potrošačka jedinica 001, budžeta - Ured premijera Zeničko-dobojskog kantona, pozicija „tekući transferi i drugi tekući rashodi“ za period 01.01. -30.06.2014. godine i čini sastavni dio ovog zaključka. Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dao je Munib Husejnagić, Premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Udruženju građana “KA mreža” iz Kaknja, u iznosu od 1.000,00 KM (slovima: hiljadukonvertibilnih maraka) na ime interventne finansijske pomoći za pokriće dospjelih obaveza.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2014. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na račun Udruženju građana “KA mreža” iz Kaknja, broj: 338 590 220 580 9265, otvorenog kod Unicredit banke Kakanj.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog kantona podnese izvještaj o utrošku sredstava u roku od 30 dana po utrošku sredstava. Zaključak stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je Munib Husejnagić, Premijer Zeničko-dobojskog kantona.

Vlada je jednoglasno donijela Zaključak kojim se stavlja van snage Zaključak Vlade Zeničko-dobojskog kantona broj: 02-14-14579/14 od 17.07.2014. godine. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji je učestvovala sekretar Vlade.

Vlada je jednoglasno donijela Zaključak kojim se utvrđuje Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom. Prijedlog Zakona iz tačke I. ovog zaključka, upućuje se u dalju skupštinsku proceduru po hitnom postupku. Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se usvaja Izvještaj o namjenskoj potrošnji sredstava, odnosno izvršenju budžeta Ministarstva za rad, socijalnu politiku i izbjeglice za prvo polugodište 2014. godine i čini sastavni dio ovog zaključka. Zaključak stupa na snagu danom donošenja.

11. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2014. godinu

Odobrava se uvećanje sredstava u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13) za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „Hamdija Kreševljaković“ Kakanj.

Uvećanje sredstava u Budžetu Zeničko-dobojskog kantona za 2014.godinu, vrši se na slijedeći način:

a) na razdjelu 22, budžetska organizacija 02, potrošačka jedinica 0008 – JU OŠ „Hamdija Kreševljaković“ Kakanj, sredstva na poziciji 613400 – Nabavka materijala, Plan izdaci iz donacija 2014. godina, uvećavaju se za 2.363,50 KM;

b) na razdjelu 22, budžetska organizacija 02, potrošačka jedinica 0008 – JU OŠ „Hamdija Kreševljaković“ Kakanj, sredstva na poziciji 821300 – Nabavka opreme, Plan izdaci iz donacija 2014. godina, uvećavaju se za 1.386,50 KM;

c) u Budžetu Zeničko-dobojskog kantona za 2014. godinu u dijelu A. PRIHODI u koloni Plan 2014. godina, sredstva na poziciji 733112 – Donacije od pravnih lica, uvećavaju se za 3.750,00 KM.

Uplaćena donatorska sredstva od strane BH Telecom d.d. Sarajevo, škola će utrošiti za realizaciju projekta „Opremanje sale za tjelesni i zdravstveni odgoj sportskom opremom i rekvizitima“.

Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Zadužuju se Ministarstvo za obrazovanje, nauku, kulturu i sport i Ministarstvo finansija, da u skladu sa zakonom i podzakonskim aktima realizuju ovu Odluku svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

12. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2014. godinu

Odobrava se uvećanje sredstava u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13) za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „Rešad Kadić“ Tešanj.

Uvećanje sredstava u Budžetu Zeničko-dobojskog kantona za 2014.godinu, vrši se na slijedeći način:

- d) na razdjelu 22, budžetska organizacija 02, potrošačka jedinica 0028 – JU OŠ „Rešad Kadić“ Tešanj, sredstva na poziciji 613902 – Ostale ugovorene usluge, Plan izdaci iz donacija 2014. godina, uvećavaju se za 500,00 KM;
- e) u Budžetu Zeničko-dobojskog kantona za 2014. godinu u dijelu A. PRIHODI u koloni Plan 2014. godina, sredstva na poziciji 722751 – Primljene namjenske donacije neplanirane u budžetu, uvećavaju se za 500,00 KM.

Uplaćena donatorska sredstva od strane privrednih subjekata sa područja općine Tešanj, škola će utrošiti za štampanje školskog časopisa „Bilten“.

Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i podzakonskim aktima realizuju ovu Odluku svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

13. tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobravaju sredstva u iznosu od 100.000,00 KM (slovima: stotinu hiljada konvertibilnih maraka) za poduzimanje hitnih mjera zaštite od poplava naselja Meoraća i Križevići na području općine Olovo iz sredstava “Otklanjanje posljedica od poplava”, Izmjena Programa utroška sredstava vodnih naknada za 2014. godinu-tačka „A”.

Sredstva iz tačke I. ovog Zaključka isplatiti će se iz sredstava Budžeta Zeničko-dobojskog kantona za 2014. godinu, razdjel 23, budžetska organizacija 01, potrošačka jedinica 0001, ekonomski kod 614400, subanalitika NAD 403, pozicija „Namjenska sredstva za finansiranje projekata iz sredstava posebnih vodnih naknada“ iz sredstava “Otklanjanje posljedica od poplava”, Izmjena Programa utroška sredstava vodnih naknada za 2014. godinu-tačka „A”, na račun općine Olovo.

Sredstva iz tačke II. ovog zaključka prebacit će se na račun Općine Olovo, koja je dužna da izvještaj o namjenskom utrošku sredstava odobrenih ovim zaključkom, dostavi Ministarstvu za poljoprivredu, šumarstvo i vodoprivredu, najkasnije do 31.10.2014. godine.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Vlada je jednoglasno uz predloženu izmjenu donijela Zaključak kojim se odobravaju sredstva u iznosu od 60.000,00 KM (slovima: šezdeset hiljada konvertibilnih maraka) u svrhu otklanjanja materijala iz korita rijeke Papratnice u Mjesnoj zajednici “Papratnica”, općina Žepče iz

sredstava "Otklanjanje posljedica od poplava", Izmjena Programa utroška sredstava vodnih naknada za 2014. godinu-tačka „A”.

Sredstva iz tačke I. ovog Zaključka isplatiti će se iz sredstava Budžeta Zeničko-dobojskog kantona za 2014. godinu, razdjel 23, budžetska organizacija 01, potrošačka jedinica 0001, ekonomski kod 614400, subanalitika NAD 403, pozicija „Namjenska sredstva za finansiranje projekata iz sredstava posebnih vodnih naknada“ iz sredstava "Otklanjanje posljedica od poplava", Izmjena Programa utroška sredstava vodnih naknada za 2014. godinu-tačka „A”, na račun Mjesne zajednice „Papratnica“, općina Žepče.

Sredstva iz tačke II. ovog zaključka prebacit će se na račun Mjesne zajednice „Papratnica“, općina Žepče, koja je dužna da izvještaj o namjenskom utrošku sredstava odobrenih ovim zaključkom, dostavi Ministarstvu za poljoprivredu, šumarstvo i vodoprivredu, najkasnije do 31.10.2014. godine. Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti.

15. tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, ministrica Ministarstva finansija i ministar Ministarstva za rad, socijalnu politiku i izbjeglice

Vlada je jednoglasno donijela Zaključak kojim se odobravaju sredstva u iznosu od 250.000,00 KM (slovima: dvijestotinepedesethiljada konvertibilnih maraka) za sanaciju vodotoka-korita rijeke Bistričak, općina Zenica iz sredstava "Otklanjanje posljedica od poplava", Izmjena Programa utroška sredstava vodnih naknada za 2014. godinu-tačka „A”.

Sredstva iz tačke I. ovog Zaključka isplatiti će se iz sredstava Budžeta Zeničko-dobojskog kantona za 2014. godinu, razdjel 23, budžetska organizacija 01, potrošačka jedinica 0001, ekonomski kod 614400, subanalitika NAD 403, pozicija „Namjenska sredstva za finansiranje projekata iz sredstava posebnih vodnih naknada“ iz sredstava "Otklanjanje posljedica od poplava", Izmjena Programa utroška sredstava vodnih naknada za 2014. godinu-tačka „A”, na račun općine Zenica.

Sredstva iz tačke II. ovog zaključka prebacit će se na račun Općine Zenica, koja je dužna da izvještaj o namjenskom utrošku sredstava odobrenih ovim zaključkom, dostavi Ministarstvu za poljoprivredu, šumarstvo i vodoprivredu, najkasnije do 31.10.2014. godine.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

16. tačka dnevnog reda

Obrazloženje i uvodno izlaganje za ovu tačku dnevnog reda dala je Berjana Ačkar, sekretar Vlade i Senija Zukanović, stručni Savjetnik za informacione tehnologije u Odjeljenju za Informatičku podršku

U diskusiji su učestvovali ministrica Ministarstva finansija i ministar Ministarstva unutrašnjih poslova.

Vlada je jednoglasno uz predloženu izmjenu donijela Odluku o korištenju službenih fiksnih telefona

Ovom Odlukom reguliše se utvrđivanje prava na korištenje službenih fiksnih telefona u organima i službama Zeničko-dobojskog kantona, te ograničenja u smislu iznosa mjesečnog troška i uspostavljanja poziva prema određenim grupama korisnika.

1) Odobrava se korištenje službenih telefona u službene svrhe zaposlenicima Zeničko-dobojskog kantona po grupama i iznosima:

I grupa: premijer Zeničko-dobojskog kantona i predsjedavajući Skupštine Zeničko-dobojskog kantona sa maksimalnim mjesečnim troškom do 100,00 KM;

II grupa: ministri, rukovodioci drugih kantonalnih organa i službi, policijski komesar, te savjetnici premijera i predsjedavajućeg, sa maksimalnim mjesečnim troškom do 70,00 KM;

III grupa: svi ostali zaposlenici, sa maksimalnim mjesečnim troškom do 30,00 KM.

2) Službene linije telefona tehničkih sekretara koristit će se isključivo za potrebe rukovodilaca organa i službi.

Ograničenja uspostavljanja poziva grupa korisnika iz člana 2. ove Odluke prema određenim kategorijama korisnika su:

I grupa: premijer Zeničko-dobojskog kantona i predsjedavajući Skupštine Zeničko-dobojskog sa ograničenjem za uspostavu poziva prema kategoriji korisnika 09 ili tzv. „premium rate“ pozivi;

II grupa: ministri, rukovodioci drugih kantonalnih organa i službi, policijski komesar, te savjetnici premijera i predsjedavajućeg, kao i tehnički sekretari u organu ili službi, sa ograničenjem za uspostavu poziva prema kategoriji korisnika 09 ili tzv. „premium rate“ pozivi;

III grupa: svi ostali zaposlenici sa ograničenjem za uspostavu poziva:

- prema kategoriji korisnika 09 ili „premium rate“ korisnici;
- prema kategoriji korisnika 00 ili međudržavni pozivi;

U izuzetnim slučajevima zbog potreba posla, rukovodioci kantonalnih organa ili službi mogu, uz odobrenje premijera, zatražiti promjenu ograničenja u smislu povećanja odobrenog mjesečnog troška ili ograničenja za uspostavu poziva prema određenoj kategoriji korisnika.

U slučaju da je prekoračenje troškova iznad iznosa dozvoljenih članom 2. ove Odluke nastalo zbog povećanog obima poslova, priznanje troškova i plaćanje iznosa prekoračenja može se izvršiti po nalogu rukovodioca a uz prethodnu saglasnost Premijera Kantona.

Svako prekoračenje iznosa iz člana 2. ove Odluke namirit će se iz plaće zaposlenika koji koristi navedeni broj.

U slučaju korištenja jednog telefonskog broja od strane dva ili više zaposlenika, prekoračeni iznos će se ravnomjerno namiriti iz plaća svih korisnika tog broja.

Za formiranje grupa korisnika sa određenim ovlaštenjima i administriranje aplikacije upravljanja korisnicima fiksne telefonije zaduženi su zaposlenici Odjeljenja za informatičku podršku Stručne službe Vlade.

Izmjene ovlaštenja iz člana 4. ove Odluke za pojedine korisnike fiksne telefonije zaposlenici Odjeljenja za informatičku podršku Stručne službe Vlade realizovat će na osnovu pismenog zahtjeva rukovodioca organa ili službe, te o svim izmjenama na ovlaštenjima za korisnike fiksne telefonije voditi urednu evidenciju.

Za praćenje prekoračenja troškova pojedinih korisnika iz člana 2., te realizaciju člana 5. ove Odluke, zadužuje se Služba za zajedničke poslove, a na osnovu mjesečnih izvještaja preduzeća BH Telecom.

U slučajevima prekoračenja iznosa iz člana 2. ove Odluke, Služba za zajedničke poslove će dostavljati izvještaj Ministarstvu finansija radi namirenja shodno članu 5. ove Odluke, iz prve naredne plaće zaposlenika.

Služba za zajedničke poslove će u svim slučajevima višestrukog ponavljanja prekoračenja troškova fiksne telefonije kod pojedinih zaposlenika, predložiti rukovodiocu organa izmjenu ovlaštenja korisnika fiksne telefonije za uspostavu poziva prema određenoj grupi korisnika, u skladu sa članom 6. stav 2. ove Odluke.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

17. tačka dnevnog reda

Obrazloženje za ovu tačku dnevnog reda dala je Mirsada Silajdžić, direktorica Kantonalne uprave za inspeksijske poslove.

U diskusiji su učestvovali: Premijer Zeničko-dobojskog kantona i ministrica Ministarstva zdravlja.

Vlada je sa jednim „suzdržanim“ glasom i sedam glasova „za“ donijela Zaključak kojim se Prima se na znanje Izvještaj o radu Kantonalne uprave za inspekcijske poslove za period januar-juni 2014. godine. Zaključak stupa na snagu danom donošenja.

18. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o preraspodjeli sredstava u Budžetu Zeničko-dobojskog kantona za 2014. godinu

Odobrava se preraspodjela sredstava planiranih u Budžetu Zeničko-dobojskog kantona za 2014. godinu za budžetske korisnike Ministarstvo za obrazovanje, nauku, kulturu i sport i Univerzitet u Zenici.

Preraspodjela sredstava vršit će se na sljedeći način:

- na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, sredstva na poziciji 614200 MAD 203 – Tekući transfer za smještaj studenata u studentske centre, Plan izdaci iz budžeta 2014. godina, umanjuju se za 27.000,00 KM,

- na razdjelu 22, budžetska organizacija 04, potrošačka jedinica 0010 – Univerzitet u Zenici, sredstva na poziciji 613700 - Izdaci za tekuće održavanje, Plan izdaci iz budžeta 2014. godina, uvećavaju se za 27.000,00 KM.

Zadužuju se Ministarstvo finansija-Odsjek za planiranje i izvršenje budžeta, Ministarstvo za obrazovanje, nauku, kulturu i sport i Univerzitet u Zenici da u skladu sa zakonom i podzakonskim aktima realizuju ovu odluku svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

19. tačka dnevnog reda

Obrazloženje za ovu tačku dnevnog reda dao je Muhamed Husić, ministar Ministarstva za privredu.

U diskusiji je učestvovao Premijer Zeničko-dobojskog kantona.

Uz predložene izmjene Vlada je jednoglasno donijela Odluku o odobravanju finansijskih sredstava za finansiranje učešća privrednih subjekata na 21. Generalnom BH sajmu ZEPS 2014

Odobravaju se finansijska sredstva Poslovnom sistemu RMK Zenica u iznosu od 15.000,00 KM (slovima: petnaest hiljada konvertibilnih maraka) u svrhu finansiranja učešća i promocije privrednih subjekata iz Zeničko-dobojskog kantona na 21. Generalnom BH sajmu ZEPS 2014.

Poslovni sistem RMK Zenica obavezan je da obezbijedi poseban položaj štanda sa minimalno 120 m² opremljenog izložbenog prostora za organizaciju kolektivne izložbe privrede za minimalno 8 izlagača.

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2014. godinu, razdjel 18, budžetska organizacija 01. potrošačka jedinica 0001, ekonomski kod 614 500, pozicija „Subvencija privrednim preduzećima u privrednicima“.

Isplata sredstava će se izvršiti preko transakcijskog računa broj: 134-010-0000041345, otvorenog kod IK Banka d.d. Zenica.

Zadužuje se Ministarstvo za privredu da realizira promociju, prema utvrđenim kriterijima i Javnim pozivom.

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima realizuju ovu odluku svako u okviru svoje nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

20. tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobravaju sredstva u iznosu od 50.000,00 KM (slovima: pedesethiljada konvertibilnih maraka) za sufinansiranje izrade projektne dokumentacije za sanaciju i uređenje korita rijeke Željeznice, rijeke Papratnice, pritoka rijeke Bosne i uređenje potoka Džamijaš u Golubinji, općina Žepče iz sredstava "Otklanjanje posljedica od poplava", Izmjena Programa utroška sredstava vodnih naknada za 2014. godinu-tačka „A”.

Sredstva iz tačke I. ovog Zaključka isplatiti će se iz sredstava Budžeta Zeničko-dobojskog kantona za 2014. godinu, razdjel 23, budžetska organizacija 01, potrošačka jedinica 0001, ekonomski kod 614400, subanalitika NAD 403, pozicija „Namjenska sredstva za finansiranje projekata iz sredstava posebnih vodnih naknada“ iz sredstava "Otklanjanje posljedica od poplava", Izmjena Programa utroška sredstava vodnih naknada za 2014. godinu-tačka „A”, na račun općine Žepče.

Sredstva iz tačke II. ovog zaključka prebacit će se na račun općine Žepče, koja je dužna da izvještaj o provedenim aktivnostima i utrošku sredstava odobrenih ovim zaključkom, dostavi Ministarstvu za poljoprivredu, šumarstvo i vodoprivredu, najkasnije do 31.10.2014. godine.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

21. tačka dnevnog reda

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

U diskusiji je učestvovao Premijer Zeničko-dobojskog kantona.

Vlada je uz predloženu izmjenu sa jednim „suzdržanim“ glasom i sedam glasova „za“ donijela Zaključak kojim se odobravaju sredstva u iznosu od 5.000,00 KM (slovima: pethiljada konvertibilnihmaraka) Savezu dobitnika najvećih ratnih priznanja Zeničko-dobojskog kantona za sufinansiranje posebnih aktivnosti udruženja-projekat posjete R Turskoj planiran tokom septembra 2014. godine, a u svrhu prisustva donatorskim konferencijama u Istambulu i Ankari.

Sredstva iz tačke I. Zaključka isplatit će se iz Budžeta Zeničko-dobojskog kantona za 2014. godinu razdjel 24, budžetska organizacija 01, potrošačka jedinica 0001, ekonomski kod 614200-"Tekući transferi pojedincima", subanalitika OAD 204 "Sredstva za rad branilačkih udruženja" Ministarstva za boračka pitanja.

Uplata sredstava bit će izvršena na račun Saveza dobitnika najvećih ratnih priznanja Zeničko-dobojskog kantona, koji se obavezuje da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana doznake sredstava na račun.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

22. tačka dnevnog reda

Članovi Vlade upoznati su sa dostavljenim materijalima pod ovom tačkom dnevnog reda.

Diskutovali su: Premijer Zeničko-dobojskog kantona i ministar Ministarstva za obrazovanje, nauku, kulturu i sport.

Premijer je zaključio sjednicu u 13⁰² sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić